



Ալեքսանդր Շիրվանզադե

Խնամատար

II

Ներս վագողը Կարլ Մարկիշ Պոպովն էր, Կատերինայի հայրը: Մի քանի բուպե հայր ու աղջիկ իրարու գրկած համբուրվում էին:

Վերջապես, Կարլ Մարկիշն ազատեց աղջկան յուր գրկից և նույն կարոտությամբ ընկավ որդու, Արտեմ Կարլիչի գիրկն ու մի քանի համբույրներ դրոշմեց նրա ճակատին: Հետո բարևեց անուսնուն, մի անգամ միայն, համբուրելով նրա բերանի անկյունը: Պետր Ստեփանիչն ինչևիցե օտար էր, համեստությունը Կարլ Մարկիչին ստիպեց չափավորել յուր անուսնական զգացմունքները:

Ես պարտավոր եմ հազար անգամ շնորհակալություն հայտնել ձեզ սեմեյստվոյիս խաթրու, դարձավ Կարլ Մարկիչը Պետր Ստեփանիչին, որը մի կողմ քաշված նայում էր այդ ընտանեկան տեսարանին:

Կարլ Մարկիչը քիչ նոտեցավ նրան, ձեռները քարշ ձգեց կողքերին, ոտները կպցրեց իրարու և, մեջքից երկու ծալ թեքվելով, երիտասարդական աշխուժությամբ մի քանի անգամ գլուխ տվեց նրան:

Չարժե, չարժե, արտասանեց անտարբերությամբ Պետր Ստեփանիչն, յուր հայացքը չհեռացնելով Կատերինա Կարլովնայից, որն այդ ժամանակ ինչ-որ քանի մասին խոսում էր յուր եղբոր հետ:

Մարիա, Կատյա, Արտեմ մոտեցեք, շնորհակալություն արեք Պետր
Ստեփանիչին, Էնդուր որ նա է բասպորտաժենիյե արել ձեզ Բաքու բերելու:

Կարլ Մարկիչի ընտանիքը սեղմեց Պետր Ստեփանիչի ձեռք: Դա առաջին
շնորհակալությունն էր, որ ստացավ բարեսիրտ խնամատարն երախտագետ
ընտանիքից:

Տեսնում ես, Մարիա, ինչ աղավարի քվարթիրա է, շարունակեց Կարլ Մարկիչը,
պտույտ գալով Պետր Ստեփանիչի առջև: Ես Պետր Ստեփանիչից շատ
շնորհակալ եմ, շա՛տ . իմ պարտքս է ստարայտցա իլիլ նրան չեսնո, բլագորոդնո
ծառայելու, Էնդուր որ նրա պես խոզյային ես գրանիցայումն էլ չեմ կարող գտնել:

Կարլ Մարկիչը խոսելու ժամանակ ձեռներով, գլխով և ուսերով այնպիսի
շարժումներ էր անում, որ, կարծես քսանուիինգ տարեկան երիտասարդ լինեք,
այնինչ մոտ վաթսուն տարեկան էր:

Պետր Ստեփանիչն ուշադրություն չէր դարձնում յուր կառավարչի
շատախոսություն վրա: Նա խորասուզված էր ինչ-որ մտածողության

մեջ: Սակայն այդ երկար շտևեց . հանկարծ նա դիմեց Մարկիչին լուրջ ձայնով .

Գործարանն այսօր բանե՞լ է:

Ի՛նչպես չէ, ի՛նչպես չէ, աղա ջան:

Ո՞վ կա այնտեղ այժմ:

Ամենքն այնտեղ են: Ես, աղա ջան, գավոդը պորուչիյտ արի գլավնի
պրիկաշչիկին մինչև Էգուց առավոտը:

Հը՛ն, արտասանեց միայն Պետր Ստեփանիչը, կրկին մտածողության մեջ
ընկնելով և բեղերը կրծոտելով:

Կարլ Մարկիչը քիչ շփոթվեց:

Բեգպոկոյիտցա մի՛ լինեք, աղա ջան, ամեն ինչ պորյադկայով կգնա:

Առավուտը շուտով գնացեք, որ գործարանը չդադարի, եթե ոչ, գիտեք, որ մի օրվա դադարելն ինձ կգրկի հազար մանեթ աշխատանքից, ասաց Պետր Ստեփանիչը քիչ հրամայական եղանակով, աշխատելով յուր դեմքի հպարտությունը պահել:

Պետր է ասած, որ Պետր Ստեփանիչը մի քիչ սուտ ասաց: Գործարանն առանց Կարլ Մարկիչի ևս կարող էր վաղը գործել և եթե դադարեր էլ, մի օրվա վնասը երբեք հազար մանեթ չէր կարող լինել: Բայց նա այդ ասաց առաջինը նրա համար, որ Կարլ Մարկիչի վրա ունեցած յուր իշխանությունը ցույց տա նրա ընտանիքին և երկրորդ, մի օրվա վնասը քսան անգամ ավելի ցույց տալով, լուր հարստությունով մի փոքր փոշի փչի այդ ընտանիքի աչքերին: Այս պարզ էր, ըստ որում, յուր հրամանը կրկնելուց հետո, նա մի առանձին ինքնաբավականությամբ նայեց բոլորին հերթով, որ տեսնի, ինչ ազդեցություն արին յուր խոսքերը լսողների վրա, իսկ նամանավանդ Կատերինա Կարլովնայի վրա: Եվ հիրավի նա մասամբ չսխալվեց:

Լսելով նրա խոսքերը, Մարիա Իվանովնան այնպես զարմացավ, որ աչքերը ճլզեց և բերանը բաց մնաց: «Օրական հազար մանեթ փող է աշխատում, երանի նրան, որ սրա նման փեսա կունենա», անցավ իսկույն նրա մտքով, և գլուխը թեքեց կրծքին, ձեռները խաչաձև

ծալեց ծոցում և սկսեց ազահությամբ նայել

Պետր Ստեփանիչին: Պակաս չզարմացավ և Արտեմ Կարլիչը:

«Օրական հազար մանեթով կարելի է թագավորի պես ապրել արտասահմանում, այն էլ Փարիզի մեջտեղում, ախմախն ինչո՞ւ է այստեղ քանու ու փոշու մեջ խեղդվում», այսպես մտածեց նա և սկսեց նույնպես նայել Պետր Ստեփանիչի երեսին:

Միայն Կատերինա Կարլովնան էր, որի վրա կարծես ոչինչ ազդեցություն չարին Պետր Ստեփանիչի փքուն խոսքերը: Նա երեսը շուտ տվեց և անցավ մյուս սենյակը:

Առավոտը, խորոզը կանչելիս, ես գավոդում կլինեմ, աղա ջան, ես չեմ թողնիլ, որ
ձեզ ուրիտկա լինի, միամտացրեց Կարլ Մարկիչը Պետր Ստեփանիչին:

Կատերինա Կարլովնա մյուս սենյակ անցնելուց հետո Պետր Ստեփանիչի
դեմքն ավելի փոխվեց: Սովորական ուրախ ու կեղծ ժպիտը նրա դեմքից
անհետացավ: Նա կնճռեց ճակատն և առանց այն ևս քացախած երեսն ավելի
թթվեցրեց:

Նստեցե՛ք, պոժոլստա, Պետր Ստեփանիչ այսօր շատ եք նեղացել, առաջարկեց
Կարլ Մարկիչը, վերին աստիճանի խոնարհությամբ և երկյուղով մոտեցնելով
աթոռներից մեկն և ոտները սենյակի հատակին քսքսելով:

Ո՛չ, ես գնում եմ, դուք կարգի դրեցեք բնակարանը, ես վաղը դարձյալ կգամ:
Թո՛ղ Արտեմն առավոտն ինձ մոտ գա, որ ճանապարհեմ Բալախանի . իսկ դուք,
Կարլ Մարկիչ, շուտ կգարթենք և կգնաք գործարան:

Նեպրեմեննո, նեպրեմեննո, ի՛նչ ասել կուզի, աղա ջան, բաս չայ անուշ չե՞ք
անում: Կատյա, Պետր Ստեփանիչի համար չայ գավարիտ արա բեր:

Շնորհակալ եմ, ես գործ ունիմ, գնում եմ, մնաք բարով:

Պետր Ստեփանիչը ձեռ տվեց միայն Մարիա Իվանովնային, իսկ Կարլ
Մարկիչին և նրա որդուն միայն թեթև գլուխ տվեց:

Ցտեսություն, Կատերինա Կարլովնա, ասաց նա, մոտենալով մյուս սենյակի
դռներին և այնտեղից ձեռն ուղղելով օրիորդին:

Գնաք բարով, սառնությամբ պատասխանեց վերջինն, յուր մատների

ծայրերը տալով նրան:

Մաշա ջան, ի՛նչ ես ասում, դա իմ պարադնի կոստյումն է,

նոր եմ կարել տվել:

Լավ է, բավական է, ձեռք առնի, ամառի՛ր երեխեքից, հակառակեց կրկին
Մարիա Իվանովնան, երբ Կարլ Մարկիչը կամեցավ համբուրել նրան:

Ումի՞ց ամառն, Արտեմի՞ց, հե՛յ, սպասի՛ր, նա էլ ժենիյոցա կլինի, էն վախտը
կհմանա, թե ինչ քաղցր բան է սուպրուգան: Տեսա՞ր, Մարիա, ինչ լավ խոզյային
ունիմ, պրոստո գոլոտո: Ինձ շատ է ուվաժայտ անում, ամեն կիրակի կոֆեով
ուգաստյիտ է անում, մի խոսքով, շատ լավ խոզյային է: Հենց այս մոտերս ինձ
գավոդի ուպրավյայուշչի շինեց: Կատյա, քե՞զ ինչպես դուր եկավ Պետր
Ստեփանիչը, շատ լյութեզնի տղա է, չէ՞, դարձավ Կարլ Մարկիչն աղջկան, որն
այդ ժամանակ թեյ էր ածում:

Կատերինա Կարլովնան ոչինչ չպատասխանեց:

Շատ լավ մարդ է երևում, պատասխանեցին նրա փոխարեն միաբերան մայր և
որդի:

Շատ օբրագովաննի տղա է, շարունակեց գովաբանել Կարլ Մարկիչը: Քանի
տարի է Ռուսիայում պուտեշեստովայտ է անում, ոտերեն խոսում է մոսկվիչի
պես, քո քեֆն էլ կգա, Կատյա քան: Ամեն ջուռայի գազեթներ է կարդում, իրան
նման պրեֆերանս խաղացող չիմանաս կլուբում: Պրեֆերանսը օբրագովաննի
խաղ է, Մարիա, ուրիշ բան չնտածես, ամեն մարդ չի կարողանում խաղալ:
Բարիշնանների համար այն տեսակ կավալերություն է անում, այն տեսակ նեժնի
խոսում է, որ հենց իմանաս ախտյոր իլի: Օօ՛օ՛, չէ, շատ աղավարի, շատ
աբրագովաննի տղա է: Ես գարմանում եմ, որ Կավկազում այդպես տղա եմ
տեսնում, էնդուր որ Կավկազը դիկիյ է, մեր կողմերի պես ցիվիլիզովաննի չէ:
Անա դու, Կատյա շան, նրա հետ դելիկատնի պոստուպիտցա չիլար հա՛ա, էտի,
իմանում ես, լավ չի հա՛ա:

Ինչպես հարկն էր այնպես վարվեցի, խո քեզ պես մինչև փողոց ճանապարհ չէի
դնելու, ընդհատեց նրան Կատերինա Կարլովնան բավական սառն ու խիստ
եղանակով:

Օ՛հո՛, ինչ ես ասո՞ւմ: Ես պարտավոր եմ նրա հետ լյութեզնի
լինել . էնդուր որ ես նրա պողչինյոննին եմ, նա իմ խոզյայինն

Է, տաքացավ Կարլ Մարկիշը, փողպատն ուղղելով և գլխի կարճիկ ճերմակ մազերն երկու ձեռներով հարթելով:

Դու պարտավոր ես, բայց ես ոչ: Դու կարող ես նրա չորս կողմով պտույտ գալ, իսկ ինձանից մի պահանջիր նույնը, պատասխանեց Կատերինա Կարլովնան ավելի սառնությամբ:

Մամա ջան, ինչե՞ր ես խոսում սկուշնա ես, քեֆդ լավ չէ, լիխորադկա ունիս, փոխեց յուր խոսքը Կարլ Մարկիշը, իսկապես կասկածելով աղջկա առողջության մասին:

Շկապը կողպելիս ձեռը ցավեցրել է, պատասխանեց Մարիա Իվանովնան աղջկա փոխարեն:

Կարլ Մարկիշի մարմնին կարծես էլեկտրական թելի ծայր դիպցրին: Սա այնպես վեր թռավ տեղից, որ աթոռն ընկավ, սեղանը սաստիկ շարժվեց, թելի բաժակը շուռ եկավ, և թելը սեղանի երեսով սկսեց հոսել սենյակի հատակը, Մարիա Իվանովնան և Արտենը, շփոթվելով Կարլի այդ արագ շարժումից, նույնպես բարձրացան իրանց տեղերից:

Դուշա մոյա, աբա, աբա, աբա տեսնեմ, գոչեց Կարլ Մարկիշը, հարձակվելով յուր աղջկա վրա:

Կատերինա Կարլովնան, բավական վախեցած յուր հոր տարօրինակ շարժումից, անգիտակցաբար մի քայլ հետ գնաց:

Կարլ, այդ ինչե՞ր ես անում, գժվել խո չե՞ս, վախեցրիր մեզ, բացականչեց Մարիա Իվանովնան ծիծաղելով:

Սակայն Կարլ Մարկիշն ուշադրություն չդարձրեց նրա վրա:

Ցույց տո՛ւր, աբա, տեսնեմ, դուշա:

Հանգստացիր, պապա, ոչինչ չկա, ցավը վաղուց է անցել, խոսեց, վերջապես, Կատերինա Կարլովնան շփոթված:

Կարլ Մարկիչը քիչ հանգստացավ և բաց թողեց աղջկա թևը: Նա հետ նայեց և, տեսնելով յուր տարօրինակ շարժման հետևանքը, կարծես ամաչեց յուր արարմունքից:

Ինչպե՛ս վախեցրիիր ինձ, Մարիա, հենց իմացա, որ մատը ուղղավիյտ

է արել Կատյան, ասաց նա կրկին յուր տեղը նստելով:

Քիչ էր մնում, որ դու մեզ ուղղավիյտ անեիր սեղանով,

այնպես վեր թռար տեղիցդ, պատասխանեց Մարիա Իվանովնան ծիծաղելով:

Ընթրիքի ժամանակ նորեկները մանրամասը պատմեցին Կարլ Մարկիչին իրանց կյանքի մասին նրա բացակայության ժամանակ ու ստիպեցին նույնն անել և՛ Մարկիչին: Կարլ Մարկիչը, կարծես, հենց մի այդպիսի հարմար առիթ էր որոնում: Նա, մի քանի բաժակ գինով գլուխը տաքացնելով, սկսեց երկար ու բարակ պատմել յուր մի տարվա կյանքը: Նա նկարագրեց գործարանը, նավթահանքերը, ծանոթացրեց նրանց նավթային արդյունաբերության հետ: Պատմեց, թե ինչպիսի գանձ է Բաքուն, թե ինչպես հեշտ են հարստանում այնտեղ մարդիկ և ինչպես շուտ, թե ինչպես է Պետր Ստեփանիչը հարստացել, առաջ ուրիշի մոտ գործակատար լինելով: Կրկին սկսեց գովաբանել վերջինին, ավելացնելով, թե հույս կա, որ ինքը, Կարլ Մարկիչը, նրա օգնությամբ, մի օր գործարանատեր դառնա և օրինակ բերեց շատերին, որոնք մի քանի տարվա ընթացքում, ոչինչ չունենալով հարստացել են: Ասաց, նույնպես, որ Պետր Ստեփանիչին ինքը մի քանի անգամ այս մասին ակնարկել է: Պետր Ստեփանիչը հույս է տվել ժամանակով անկախ գործարանատեր դարձնել նրան, եթե միայն լավ կժառայի: Այժմ Կարլ Մարկիչն ինքն՝ աշխատում է լավ ծառայել Պետր Ստեփանիչին, որպեսզի օրեցօր ավելի գրավի վրա սերն ու հովանավորությունը: Այնուհետև Կարլ Մարկիչը, ավելի ու ավելի տաքացնելով գլուխն և հափշտակվելով յուր պատմությունով, սկսեց նկարագրել յուր մոտիկ ապագան խիստ գեղեցիկ գույներով: Ասաց, որ շատ ժամանակ չի քաշիլ և ինքը կրկին կդառնա առաջվա «պերվոյ գիլդի կուպեց Պոպովը» և գուցե մի քիչ էլ ավելի: Այն ժամանակ թող մտիկ անեն «Հաշխանի» թշնամիներն ու նախանձից սիրտները տրաքի: Վերջապես, Կարլ Մարկիչն ասաց, թե այսուհետև ինքը նյութապես ապահովված է և ոչինչ հոգս չունի: Հարկավոր է միայն մտածել

առողջության մասին, ուրիշ ոչինչ: Նա սկսեց խրատել յուր ընտանիքին, որ պահպանեն իրանց առողջությունը: Խոսելով Կատերինա Կարլովնայի վերաբերությամբ, նա կողմնակի կերպով ակնարկեց,

թե Բաքվում կարելի է լավ փեսացու ճարել նրա համար, որովհետև

շքեղ հագուստով: Մարիա Իվանովնան խոհանոցում կերակուր էր

պատրաստում ճաշի համար: Կատերինա Կարլովնան մեքենայի վրա մի ինչ-որ բան էր կարում:

Լսելով յուր հետևից Պետր Ստեփանիչի բարևի ձայնը, նա իսկույն ընդհատեց գործը, բարձրացավ տեղից և, սառն քաղաքավարությամբ պատասխանելով նրա բարևին, ձեռ տվեց և դիմեց խոհանոց, որ մորը հայտնի:

Ոչինչ, ոչինչ, նեղություն մի՛ քաշեք, Կատերինա Կարլովնա, ասաց Պետր Ստեփանիչը, կտրելով օրհորդի ճանապարհը, որ դուրս չգնա:

Բայց օրհորդը չլսեց նրան: Մի վայրկյանից ներկայացավ Մարիա Իվանովնան, թևերը մինչև արմունկները ծալած: Պետր Ստեփանիչը թռավ տեղից և քաղաքավարությամբ բարևեց նրան:

Երեկ, երբ Կատերինա Կարլովնան իրեղենները դարսում էր, ես նկատեցի, որ նրա ճերմակեղենի կամոդը շատ հնացած է և անպետք: Չնեղանաք, Մարիա Իվանովնա, ես առանց ձեր թույլտվության, մի լավ կամոդ եմ առել նրա համար, որն այս րոպեիս գործակատարս կբերի:

Իգուր եք առել, ես շնորհակալ եմ, իմ կամոդը շատ լավն է, պատասխանեց Կատերինա Կարլովնան, մի նշանավոր հայացք ձգելով յուր մոր երեսին, որ սա ևս հրաժարվի նվերն ընդունելուց: Մարիա Իվանովնան հասկացավ աղջկա միտքը, բայց և այնպես կամոդը խիստ հետաքրքրեց նրան:

Ցավդ առնեն, մեզ համար ինչու ավելորդ խարջեր եք անում, որ առաջուց ինձ ասեիք ես չեի թողնի, ասաց նա, սիրալիք նայելով Պետր Ստեփանիչի երեսին, որ տեսնի ինչպես հասկացավ նա յուր անորոշ խոսքերը:

Մեծ գումար չեմ տվել, հարյուր մանեթն ինչ բան է, որ նրա համար մտածեմ, պատասխանեց Պետր Ստեփանիչը, ժպտալով Կատերինա Կարլովնայի երեսին:

Վերջինը երեսը դարձրեց դեպի մորն և սկսեց հանդիմանորեն նայել նրա երեսին:

Կատյա, իսկ որ հենց քեզ հարկավոր է մի կամոդ, վնաս

չունի, որ Պետր Ստեփանիչն առանց մեզ հարցնելու առել է: Հորդ

կասեմ, որ յուր ռոճիկից հարյուր մանեթ թողնի Պետր Ստեփանիչի մոտ:

Մամա, ի՞նչ ես ասում, հարյուր մանեթը պապայի մի ամսվա ռոճիկն է, ես ինչ եմ անում այդքան թանկ կամոդը, կրկին հակառակեց օրիորդը:

Դուք ինձ վիրավորում եք, Մարիա Իվանովնա, ես փողի կարոտություն չունիմ . ես այդ իբրև մի չնչին նվեր եմ տալիս և ոչ թե ծախում, պատասխանեց Պետր Ստեփանիչը, կեղծորեն իրան վիրավորված ձևացնելով:

Այդ ժամանակ մի մշակ, Պետր Ստեփանիչի գործակատարի առաջնորդությամբ, ներս բերեց բավական մեծ կամոդ ընկույզի փայտից շինած:

Կամոդը դրեցին պատշգամբի վրա: Պետր Ստեփանիչը բանալին շուռ տվեց և բաց արավ, որ պահարանը ցույց տա Կատերինա Կարլովնային և Մարիա Իվանովնային:

Շատ գեղեցիկ բան է, շատ էժան եմ առել:

Այսպես թե այնպես, կամոդն այնքան գեղեցիկ էր, որ միանգամից գրավեց Մարիա Իվանովնային: Երկար ժամանակ նա նայում էր կամոդի ներսին, դրսին, վերևին և չէր կարողանում կշտանալ նայելուց: «Ի՛նչ լավն է, ի՛նչ մեծն է, Կատյա, շորերդ կտեղավորվեն», կրկնում էր նա անդադար, ուրախությունից պտույտ գալով պահարանի չորս կողմը:

Վերջապես ավելորդ ժամանակ չկորցնելու համար Պետր Ստեփանիչը կողպեց պահարանը և բանալին առաջարկեց Կատերինա Կարլովնային, ուղղակի նրա դեմ կանգնելով և մեջքից թեքվելով:

Թանկ չէ նվերը, բայց թանկ է իմ սերը, ասում են ռուսները, ասաց Պետր Ստեփանիչը ռուսերեն լեզվով, բանալին բռնելով ուղիղ օրիորդի քթի առջև:

Այս խոսքերն օրիորդին ավելի շփոթեցրին: Նրա երեսը կարմրեց, և նա չկարողացավ թե ինչ պատասխանի միևնույն ժամանակ, բանալին շրնդունելով Պետր Ստեփանիչից:

Պետր Ստեփանիչի դեմքով մի վայրկյան սահեց անբավականության ժպիտ, բայց նա գսպելով յուր վրդովմունքը, կրկին առաջարկեց:

Ի՛նչ ես մեխված մնացել, Կատյա, ախար քեզ է առաջարկում Պետր Ստեփանիչը:

Կատյան լուռ էր տակավին: Պետր Ստեփանիչը բանալին հանձնեք Մարիա Իվանովնային, յուր դեմքը քիչ թթվացնելով:

Շնորհակալ ենք, շատ շնորհակալ ենք: Աստված ձեր մինը հազար անի, Պետր Ստեփանիչ, ձեր լավությունը հավիտյան չենք մոռանալ: Կատյա, դու հրավիրիր Պետր Ստեփանիչին սենյակ, քիչ խոսեցեք, ես գնամ կոֆե պատրաստեմ այս րոպեիս:

Դու մնացիր, մամա, ես կպատրաստեմ:

Չէ, չէ, ինչ ես խոսում, դու ե՞րբ ես կոֆե եփել, որ հիմի թողնեմ . նստիր այստեղ, ես այս րոպեիս . . .

Կատերինա Կարլովնան ականա համաձայնվեց և Պետր Ստեփանիչին հրավիրեց ներս: Նա մոտեցավ կարի մեքենային և սկսեց շարունակել յուր ընդհատված գործը, առաջարկելով Պետր Ստեփանիչին նստել:

Պետր Ստեփանիչը նստեց լուռ ու մունջ, ազահությամբ նայում էր օրիորդին, որը գլուխը խոնարհեցրած, գործում էր նույնպես լուռ ու մունջ: Նա կամենում էր խոսել, բայց չգիտեր ինչի մասին խոսեր և ինչպես սկսեր: Այդ տևեց մի քանի րոպե: Վերջապես նա յուր աթոռը վերցնելով, մոտեցավ օրիորդի սեղանին և վստահացավ ընդհատել անտանելի լռությունը:

Կատերինա Կարլովնա, այս գիշեր կյուբում լավ կոնցերտ է լինելու, ես եկել եմ
ձեզ հրավիրելու: Կհամաձայնե՞ք ինձ հետ միասին գնալ, տոմսակներ էլ վերցրել
եմ:

Ոչ, ներեցեք, չեմ կարող, շատ հոգնած եմ, մի ուրիշ անգամ կգամ,
պատասխանեց Կատերինա Կարլովնան այս անգամ բավական մեղմությամբ:

Այժմ ուշ է հրաժարվելը, տոմսակները գնված են, ասաց սիրտ առնելով Պետր
Ստեփանիչը, թեև դարձյալ սուտ, որովհետև նա տոմսակներ դեռ չէր գնել . . .

Առանց ինձ հայտնելու գուր եք առել:

Հիմա ինչևիցե, երկուսը առել եմ, մեկը ինձ, մյուսը ձեզ

համար, անպատճառ պիտի գաք:

Ո՛չ, ես գալ չեմ կարող:

Բաս տոմսակները, ասաց Պետր Ստեփանիչը կատակով:

Տվեք ձեր ընկերներին:

Ընկերներ չունիմ, Կատերինա Կարլովնա, ես մենակ մարդ եմ այս աշխարհում,
նոր եմ ուզում ընկեր ձեռք բերել, ասաց Պետր Ստեփանիչը, կեղծությամբ
փոխելով յուր ձայնն ու դեմքը, որպեսզի օրիորդի գուրը շարժի դեպի ինքը:

Սակայն Կատերինա Կարլովնայի դեմքի վրա նա չնկատեց ոչինչ փոփոխություն:
Նա տեսավ նույն անտարբերությունը, նույն սառնությունը, ինչ որ առաջ էր:

Այսպիսի քաղաքում ձեզ նման հարուստ մարդը շատ հեշտությամբ կարող էր
ընկերներ ունենալ, պատասխանեց օրիորդը, չնայելով նրա երեսին:

Մենակ եմ, մենակ, Կատերինա Կարլովնա, ա՛խ, եթե իմանաք իմ ցավը: Ես
ունիմ շատ ծանոթներ, բայց ոչ ոքի հետ բարեկամություն անել չեմ կարող:

Ինչո՞ւ:

Որովհետև այստեղի մարդիկ անքաղաքավարի են, նրանց հետ ես չեմ սիրում ընկերանալ:

Գուր ի՞նչ տեղացի եք, ներեցեք հարցնել:

Ես կովկասցի եմ, Շուշումն եմ ծնվել: Բայց շատ երկար ժամանակ ապրելով Մոսկվայում, Պետերբուրգում, մոռացել եմ կովկասի կյանքը: Ես սովորել եմ ընկերություն անել կրթված, լուսավորված, թատրոններ, օպերաներ գնացող մարդկանց հետ: Այստեղ չկան այնպիսի մարդիկ, այստեղ ամենքը միայն մի քանի վրա են մտածում, այն է՝ փող աշխատել, և սրա համար փչացնում են իրանց կյանքը: Գործարաններում, հորերի վրա, նավթի և կեղտի մեջ կորած, մագազիններում չիթ ու կտորի փոշու մեջ խեղդվում են, տքնում են գիշեր ու ցերեկ, որ ինչ է իրանց գրպանները լեցնեն: Լեցնում են և չեն իմանում ինչպես ծախսեն փողերը, ինչպես ապրեն, որովհետև լուսավորություն ասած բանը չեն հասկանում,

որովհետև կրթված չեն: Աշխարհ են շրջել, բայց ոչինչ չեն

կարողացել սովորել: Ամիսներով, տարիներով մայրաքաղաքներում

ապրել են, բայց բացի իրանց ապրած հյուրանոցից և մի քանի փողոցներից, ոչինչ չեն տեսել: Ռուսաստանում այդ մարդիկ ո՛չ թատրոն են գնում, ո՛չ օպերա, ո՛չ կյուբներ: Իսկ եթե գնում էլ են, ոչինչ չեն կարողանում սովորել, թատրոնում կամ օպերայում ամենավերջինս աթոռներն են վարձում, որ Էժան նստի: Շատերը գնում են, ներկայացումը չվերջացած, կիսատ են թողնում ու դուրս գալիս, որովհետև ճաշակ ասված բանը չունին: Նրանց համար գոռնա բալաբանի ձայնը քաղցր է, քան թե Պատտիի երգելը: Մոսկվայում ինձ վրա զարմանում էին, որ ես ամեն անգամ քսանուհինդ ռուբլի էի տալիս Պատտիին կամ Նիլսոնին լսելու կամ Սալվինիի խաղը տեսնելու, բայց ես սրտանց ծիծաղում էի նրանց անհասկացողության վրա: Ինձ համար փողը մի միջոց է շքեղ ապրելու համար, իսկ նրանց համար նպատակ: Ես ատում եմ նրանց, ատում եմ, որովհետև նրանք բոլորը թեև երիտասարդներ են, բայց հին հոգով և մաշված սրտով: Ահա ինչու համար, ես, Կատերինա Կարլովնա, չեմ ընկերանում նրանց հետ: Ա՛խ, եթե գիտենայիք, թե որքան ինձ համար դժվար է նրանց հետ խոսելն անգամ: Ես մենա՛կ եմ, Կատերինա Կարլովնա, մենակ եմ, և ինձ համար շատ ու շատ դժվար

Է անցկենում այստեղ:

Պետր Ստեփանիչն ատենաբանում էր ոգևորված և զանազան թատրոնական շարժվածքներ անելով:

Գնացեք, ուրիշ քաղաքում ապրեցեք, ասաց Կատերինա Կարլովնան, երբ Պետր Ստեփանիչը դադարեց խոսելուց:

Չեմ կարող, Կատերինա Կարլովնա, գործերս այստեղ են, թողնել անհնարին է: Բայց ես, Կատերինա Կարլովնա, բախտավոր կլինիմ, եթե . . . եթե . . . Է՛հ . . .

Այստեղ Պետր Ստեփանիչի լեզուն շփոթվեց, և նա, չկարողանալով վերջացնել յուր խոսքը, մի խորը հառաչանք արձակեց կրծքից:

Կատերինա Կարլովնան հոնքերի տակից նրա վրա նայեց և, գլուխը խոնարհեցնելով, քիչ կարմրեց:

Այդ ժամանակ դուռը բացվեց, Մարիա Իվանովնայի գլուխը երևաց և նույն վայրկյանին կրկին անհետացավ: Այդ նկատեց

միայն Պետր Ստեփանիչը:

Շատերը կարծում են, որ մարդ փողով է բախտավոր, շարունակեց Պետր Ստեփանիչը Մարիա Իվանովնայի գլուխն անհետանալուց մի քանի րոպե անցած: Ես այդ չեմ հասկանում: Ահա, ես հարուստ, փառք աստծո, էլ ինչս է պակաս, մի միլիոնի չափ կարողություն ունիմ: (Պետր Ստեփանիչի կարողությունը երկու հարյուր հազարից ավելի չէր լինի): Տուն, տեղ, ոսկի-արծաթ, ծառաներ, կառքեր ամեն բան ունիմ, ինքս էլ մեն-մենակ, ո՛չ ծնողներ ունիմ, ո՛չ եղբայր, ո՛չ քույր, ո՛չ էլ պարտք, մի խոսքով, ես իմ գլխի ու կարողության կատարյալ տերն եմ: Բայց մի թող գան սրտիցս հարցնեն, թե նա ինչ է ասում, մտնեն դրությունս և տեսնեն, թե այսքան հարստության մեջ ինչպես եմ ես զգում ինձ . . . Տխուր, տխուր, մահու չափ տխուր . . .

Եվ Պետր Ստեփանիչը կրկին կրծքից արձակեց մի սուտ հառաչանք և կրկին նայեց օրհորդի երեսին:

Պսակվեցե՛ք, գուցե այն ժամանակ ուրախ կլինեք, ասաց Կատերինա Կարլովնան, փորձելով ավելի պարզ հասկանալ նրա միտքը:

Պսակվե՛լ, բայց ո՛ր է իմ սիրած աղջիկը, պատասխանեց Պետր Ստեփանիչը, մեկ էլ հատաչելով:

Ինո՛ւ, ասում եմ, որ Բարվում շատերը կան:

Պետր Ստեփանիչը ոգևորվեց, նրա դեմքն այլայլվեց, աչքերը կարմրեցին, և նա հանկարծ արագությամբ բարձրացավ աթոռից:

Չկա, չկա, Կատերինա Կարլովնա, չկա, բացի ձեզանից, թույլ տվեք . . .

Եվ նա, հարձակվելով օրիորդի վրա, կամեցավ համբուրել: Օրիորդը սարսափած վեր թռավ տեղից, հրելով Պետր Ստեփանիչի կրծքին:

Ի՞նչ եք անում, հեռո՛ւ կանգնեցեք, ասաց նա սիրթնելով:

Ես ձեզ սիրում եմ . . .

Մուտ եք ասում:

Ինչ պտույտներ էր անում խեղճ կինը նրան հաճոյանալու

համար անհնարին է նկարագրել: Եվ ինչպես կարող էր ուրիշ կերպ վարվել Մարիա Իվանովնան, քանի որ նա տեսնում էր, թե որքան ուշադիր է Դումագովի նման մի նշանավոր հարուստ դեպի յուր մի չնչին գործակատարի չնչին ընտանիքը և ինչպես նա հոգում է այդ ընտանիքի բախտավորության համար: Բայց մի առանձին ուրախություն էր զգում Մարիա Իվանովնան յուր աղջկա վերաբերմամբ, նկատելով այն ուշադրությունը, որին արժանացել էր Կատերինա Կարլովնան Դումագովի կողմից: Շատ անգամ նա, լուռ ու մունջ, ձեռները ծոցում ծալած, քաշվում էր սենյակի մի անկյունը, մտիկ անում յուր աղջկան և Պետր Ստեփանիչին, որոնք իրարու դեմ նստած խոսում էին մտիկ էր անում և խորասուզվում մտածողության մեջ: Այդպիսի բույներում նրա ծնողական զգայուն սիրտը սկսում էր բաբախել յուր սիրեցյալ զավակի բախտավորությամբ:

Մարիա Իվանովնայի առաջ պատկերանում էրն փառավոր կառքեր, բազմաթիվ ծառաներ, զարդարուն սենյակներ մի բարձրաշեն շքեղ տան մեջ: Տունը Դոլմագովինն է, իսկ նրա մեջ իշխում է յուր աղջիկը: Կատերինա Կարլովնան ամբողջ օրը պտտում է զարդարուն սենյակների մեջ, կարգադրություններ է անում, հյուրեր է ընդունում և ճանապարհ դնում: Իսկ երեկոները Պետր Ստեփանիչի հետ նստում է կառք և գնում ծովափը գբոսնելու: Ջրոսանքից վերադառնում է տուն, թեյ խմում, հագուստը փոխում, ավելի շքեղը հագնում և Պետր Ստեփանիչի հետ թև-թևի տված գնում թատրոն, պարահանդես և այլն: Նրանց հետ գնում է նույնպես և՛ Արտենը: Իսկ ինքը, Մարիա Իվանովնան, Կարլ Մարկիչի հետ մնում են տանը, խոսում են, զվարճանում են, սպասելով երիտասարդ ամուսինների վերադառնալուն, որ միասին ընթրեն:

Եվ այսպես, ուրեմն, Մարիա Իվանովնան երևակայում էր ոչ միայն Կատերինա Կարլովնայի, այլև ամբողջ ընտանիքի մոտիկ ապագան բախտավորված, եթե միայն Դոլմագովի սիրտն այնքան բարի է, որ նա ուշադրություն չի դարձնի նրանց աղքատության վրա, եթե նա աչքի առջև կունենա Կատյայի անձնավորությունը, նրա գեղեցկությունը,

շնորհքը, բնավորությունն և եթե Կատյան

նույնպես, լավ կշռադատելով յուր ապագան, կաշխատեր այդ

հատկություններն ավելի գեղեցիկ, ավելի հրապուրիչ գույներով ներկայացնել Դոլմագովին, որպեսզի անդառնալի կերպով գրավի նրա սիրտը: Բայց ավա՛ղ, Կատյան այդ չէր հասկանում, որովհետև, Մարիա Իվանովնայի կարծիքով, նա հիմար էր և փոխանակ Դոլմագովին գրավելու, աշխատում էր, կարծես, զզվեցնել նրան: Նա առաջվա պես սատն և երբեմն կոպիտ էր վարվում Դոլմագովի հետ: Մարիա Իվանովնան այդ տեսնում էր և մինչև յուր հոգու խորքը վրդովվում բայց չէր կարողանում Դոլմագովի ներկայությամբ արտահայտել յուր վրդովմունքը Կատյային: Նա, զսպելով յուր բարկությունը, սպասում էր Դոլմագովի հրաժարվելուն: Երբ խնամատարը ոտը դռներից դուրս էր դնում, մայրը սկսում էր թափել աղջկա գլխին անթիվ նախատինքներ և երբեմն հիշոցներ:

Հագար անգամ ասել եմ, որ գիժ ես, խելք չունիս . դու ո՛չ քեզ և ո՛չ մեզ համար չես մտածում: Աղքատ ու հպարտ, աչքերդ բաց արա և լավ տես, թե դու ինքդ ո՛վ ես, ի՞նչ ես, իսկ Դոլմագովն ո՛վ է: Գիտես, որ մեր ապրուստը նրանից է կախված, ինչպես ուզենա, այնպես էլ կարող է անել, կարող է մեզ հարստացնել, կարող էլ է քաղցած թողնել, բայց դու էլի գոռոզ ու գոռոզ: Ի՛նչ ես մտածում որ քինթդ այդքան բարձր ես պահում: Խելքի եկ, Կատյա, տե՛ս, մեկ էլ եմ ասում, մեր օրը քեզանից է կախված . . .

Եվ այսպես, Մարիա Իվանովնան երկար նախատում էր յուր աղջկան: Սակայն աղջիկը շարունակում էր յուր «հիմարությունը»: Մի օր նրա հանդգնությունն այնտեղը հասավ, որ նա պատասխանեց յուր ծնողի հանդիմանությանը, թե ինքը դիտմամբ է սառն վարվում Դոլմագովի հետ, որպեսզի վերջինը դադարի իրանց այցելելուց: Մարիա Իվանովնան փրփրեց, կատաղեց յուր աղջկա այդ հանդգնության վրա, բայց . . . դարձյալ անօգուտ:

Գալով Դոլմագովին, պետք է ասած, որ նա սկսել էր մեծ զգուշությունով վարվել Կատերինա Կարլովնայի հետ, նույնիսկ Մարիա Իվանովնայի բացակայության ժամանակ: Նա պահում էր իրան համեստ, չէր համարձակվում որևէ ավելորդ խոսք թոցնել բերանից: Նա այնպես էր իրան ձևացնում օրհորդի առջև, որ իբր թե սաստիկ փոշմանել է

յուր նախկին վարմունքի մասին: Սակայն

Կատերինա Կարլովնան որքան զգույշ էր, այնքան դիտող, դարձյալ

չէր կարողանում հասկանալ այդ խորամանկությունն և լիովին թափանցել Դոլմագովի հոգին:

Հասավ կոնցերտի երեկոն: Պետր Ստեփանիչը ժամանակից մի ժամ առաջ գուզվեց և, յուր սեփական կառքը նստելով, եկավ Կատերինա Կարլովնայի մոտ: Օրհորդը դեռ հագնված չէր: Նա մոռացել էր յուր խոստումը, փորձեց հրաժարվել: Մարիա Իվանովնան ուղղակի կատաղեց: Ի՛նչպես կարող է հրաժարվել Դոլմագովի պես մարդու հետ մի որևէ հանգես գնալուց: Դոլմագովն, օրհորդի կասկածը փարատելու համար, ասաց .

Մարիա Իվանովնա դուք էլ հազնվեցեք մեզ հետ գնալու:

Մարիա Իվանովնան հոգով ուրախ էր նրանց ուղեկցելու, քիչ մնաց համաձայնվել անգամ, բայց հիշեց, որ օրինավոր հագուստ չունի:

Ուրիշ անգամ, ասաց նա, ուրիշ անգամ: Կատյա, գնա, պատրաստվիր:

Ապագայում օրիորդը շատ անգամ իրեն հարցնում էր, ինչպես եղավ, որ նա մոլորվեց և կամքի ուժ չունեցավ տանը մնալու: Նա անցավ մոր հետ յուր սենյակը:

Դուրմագովը մնաց մենակ, կանգնեց հայելու առջև և սկսեց դիտել իրան ոտից մինչև գլուխ:

Թո՛ւ, իսկ որ շատ են տգեղացել . . . ի՛նչ անճոռնի է լինում մարդ առանց հոնքերի և թերթերունքների, խոսում էր նա, ուղղելով յուր սպիտակ փողկապը: Փարիզից բերել տված ճարն էլ չի օգնում մազեր բուսնելուն . . . Ասում են, որ Վիեննայում կարող են բժշկել, հարկավոր է անպատճառ գնալ, եթե ոչ խայտառակություն է, կանայք ինձանից փախչում են:

Էհե՛, այ մի ուրիշ ցավ, այս ի՞նչ է դուրս գալիս քնթիս վրա, շարունակեց նա, շոշափելով քթի ծայրն, ուր գոյացել էր մի կարմիր բշտիկ: Ցավում է, այդ լավ նշան չէ, հարկավոր է անպատճառ բժշկին ցույց տալ . . .

Ներս մտավ Կատերինա Կարլովնան: Դուրմագովը շտապեց հեռանալ հայելուց:

Օրն արդեն մթնել էր: Քաղաքային ժողովարանի դահլիճը, ուր պիտի կայանար կոնցերտը, լուսավորվում էր առաստաղից քաշ

տված երեք ահագին ջահերով և պատերին խփած բազմաթիվ կանթեղներով: Օրիորդը, Դուրմագովի ուղեկցությամբ, բարձրացավ ընդարձակ սանդխտով դեպի դահլիճը: Ներկայացումը դեռ չէր սկսվել: Հանդիսականները, այս ու այն կողմ ցրված, զբոսնում էին: Երիտասարդ վաճառականների մի խումբ նախասենյակի մի անկյունում պատրաստած բուֆետի առջև, մի սեղանի շուրջը հավաքված, կոնծում էր . . . Խմբի մեջ երևում էր և՛ Սերգեյ Իվանիչը, որի հետ

մենք ծանոթացանք կայարանի վրա:

Պետր Ստեփանիչն աշխատեց դահլիճ մտնել Կատերինա Կարլովնայի հետ այնպես, որ խումբը չնկատի: Բայց այս չհաջողվեց նրան:

Օհո՛, Պետր, լույսը քեզ տեսնողին, գոչեց բարձր ձայնով խմբի միջից երեսը սափրած մի երիտասարդ կարմրած աչքերով:

Նա, իսկույն բաժանվելով խմբից, մոտեցավ Դուլմագովին:

Բարև, Սիմոն Լագրիչ, քե՞ֆդ, հարցրեց Պետր Ստեփանիչը, մի քիչ շփոթվելով և արագությամբ սեղմելով երիտասարդի ձեռքը:

Կա՛ց, ո՞ր ես փախչում, կա՛ց . . . տեսնեմ այդ ով է քեզ հետ, ասաց երիտասարդը, բռնելով Դուլմագովի թևից:

Օհո՛, Պետտո՛, շնորհավորում եմ, ի՞նչ տեղից ես ճանկել այդ լուսնյակին:

Բայց Պետտոն աշխատում էր խույս տալ: Նա, մի կերպ յուր թևն ազատելով երիտասարդի ձեռից, շտապեց դեպի Կատերինա Կարլովնան, որն այդ ժամանակ այնչափ հեռու էր, որ չէր լսում նրա խոսակցությունը:

Տղերք, նոր խաբար, Դուլմագովը, դռչաղը նոր որս է արել, ասաց երիտասարդը, վերադառնալով և կրկին խառնվելով խմբին:

Ո՞վ է, ո՞վ, հարցրին միաբերան մի քանիսը խմբի միջից:

Հայի էր նմանվում, բայց չճանաչեցի, լուսնյակ է, սպասեցեք, մի բաժակ էլ կոնծեմ և գնամ ես էլ ծանոթանամ:

Սիմոն Լագրիչը դատարկեց մի բաժակ ևս:

Իգուր նեղություն մի՛ քաշիր, Սիմոն Լագրիչ, Դուլմագովը քո ասած մարդը չէ, ոեխդ թիքա չի գցիլ: Ես աղջկան էլ ճանաչում

եմ և գիտեմ ինչ բան է:

Ո՞վ է, ո՞վ է, Սերգեյ Իվանիչ, կրկնեց դարձյալ միաբերան հետաքրքիր խումբը շրջապատելով Սերգեյ Իվանիչին:

Յուր գործակատարի աղջիկն է:

Հաշտրախանցի՞ն, հա՛, ես էլ եմ տեսել, ես էլ եմ տեսել, շատ գեղեցիկ է, ասացին միմյանց հետևից մի քանիսը:

Գեղեցիկ լինելը գեղեցիկ է, բայց ինչ անես, որ . . .

Եվ Սերգեյ Իվանիչը, խոսքը չավարտելով, կրծքից մի հոգոց հանեց և գլուխը խորհրդավոր կերպով շարժեց:

Ինչպե՞ս:

Այնպես, պատասխանեց Սերգեյ Իվանիչը, աչքի մեկը խփելով և շրթունքները կրծելով: Տուն, տեղ, ամեն օր նվերներ, հորն և եղբորը պաշտոն լավ ոռճիկներով:

Փա՛հ, քո վիզը կոտրվի Դոլմագով, օտարներից կշտացար, հիմա էլ հային ես ձեռք գցե՞լ, բացականչեց Սիմոն Լագրիչը, ձեռների ավերը իրարու խփելով:

Չեմ հավատում, ես Պոպովի աղջկան ճանաչում եմ, նա շատ հպարտ և խելոք աղջիկ է: Դոլմագովը չի կարող նրա հետ խաղալ, մեջ մտավ մի ուրիշը, որը մինչև այդ ժամանակ լուռ էր:

Էհե՛, երևի, դու լավ չես ճանաչում Դոլմագովին; պատասխանեց թերահավատին Սերգեյ Իվանիչը, գլուխը շարժելով: Նա այնպիսի մարդ չէ, որ մեկի համար անօգուտ մի կոպեկ ծախսի, ուր մնաց այնքան բաներ բաշխի, ինչ որ բաշխում է Գասպարի աղջկան: Տունը լեցրել է հազար տեսակ բաներով, էլի օր չի անցնում, որ մի նվեր չտանի հյուր գնալիս:

Չէ, եղբայր, ես լավ եմ ճանաչում Դոլմագովին, գիտեմ ինչ հոգի ունի . . .

Չանգակը հնչեցրին, ներկայացումը սկսվեց, ամենքը մտան դահլիճ:

Պետր Ստեփանիչն և Կատերինա Կարլովնան նստած էին երկրորդ կարգում:
Օրիորդը հագնված էր թեև ոչ շքեղ, բայց բավական նուրբ

ճաշակով: Բազմաթիվ լապտերների լուսավորության
Ձեզ էլ հետս տանում եմ:

Ես ի՞նչ գործ ունիմ ձեր տանը:

Պետր է միասին ընթրենք:

Շնորհակալ եմ, Պետր Ստեփանիչ, ախորժակ չունեմ խնդրեմ, ինձ մեր տուն
ճանապարհ դրեք:

Անկարելի է:

Ո՛չ, ո՛չ, ուշ է, մայրս անքուն սպասում է ինձ . . .

Շուտ կվերջացնենք ընթրիքը, իսկույն կուղեկցեմ ձեզ ձեր տուն:

Հոգնած եմ, Պետր Ստեփանիչ, թույլ տվեք ուրիշ անգամ ձեզ ոտ հյուր կգամ
այսօրվա փոխարեն, շարունակեց օրիորդն այս անգամ աղերսալի ձայնով:

Աչքիս վրա տեղ ունեք ամեն օր, բայց այժմ գուր եք հակառակում, անպատճառ
տանելու եմ, պատասխանեց Դոլմագովը վճռաբար:

Մինչ Կատերինա Կարլովնան այսպես հակառակում էր, կառքը հասավ և
կանգնեց Դոլմագովի տան դռների առջև: Մի քանի րոպե օրիորդը չէր
համաձայնվում իջնել կառքից: Պետր Ստեփանիչը համոզում էր նրան,
աղաչելով, խնդրելով, սակայն իզուր, օրիորդը համառությամբ կպել էր կառքին և
պոկ չէր գալիս: Դոլմագովի համբերությունը հասավ յուր վերջնակետին . նա,
բեղերը կրծոտելով, գսպեց իրան և սկսեց կրկին հորդորել օրիորդին: Օրիորդը
նույնպես դուրս եկավ համբերությունից և բարկացած հրամայեց կառապանին
կառքը քշել բայց կառապանը մի շարժում անգամ չարավ օրիորդի հրամանը
կատարելու: Դոլմագովին վիրավորեց Կատերինայի վարմունքը, նրա
ինքնասիրության նեղ զգացմունքները բորբոքվեցին: Փողոցում տիրում էր

լռութուն: Դու՛նագովը նայեց յոր շորս կողմը և բացի կառապանից չտեսավ ոչ մի մարդ, որ վկա լիներ այդ տեսարանին: Կառապանն առույգ ձիերի սանձը ձեռքում սեղմած, լուռ ու մունջ մեխված էր յոր տեղում, միայն երբեմն, սանձը շարժելով, նա հարվածում էր այս կամ այն ձիուն և յոր քնաթաթախ ձայնով կրկնում .

«տուբր, ստո՛ . . . ո՛ . . . ո՛յ, պռկլյատայա» . . . Դու՛նագովը մեկ ոտը դրեց կառքի վրա

և, երկու

ձեռներով բռնելով օրիորդի մեջքից, գրկեց ու մի վայրկյանում

ցած բերեց ուժով:

Երկու ելք կար Կատերինա Կարլովնայի առջև . նա կամ պիտի հնազանդվեր, կամ պիտի փախչեր . . .

Նրանք մտան ներս և մի ընդարձակ սանդիստով բարձրացան վերև, Պետր Ստեփանիչը պատշգամբից օրիորդին ուղղակի առաջնորդից մի ոչ այնքան ընդարձակ սենյակ: Իսկ ինքը, մի թույլ բաժանվելով նրանից, յոր սպասավորին տվեց ինչ որ պատվերներ և կրկին վերադարձավ:

Առաստաղից քաշ արած փոքրիկ կոլորակ կանթեղը լուսավորում էր սենյակի մոխրագույն պաստառով ծածկված պատերը, ուր քաշ արած էին մի քանի մեծ ու փոքր պատկերներ կասկածելի բովանդակությամբ: Մի անկյունում դրած էր մի բարձր մահճակալ փափուկ անկողնով, մյուսում գտնվում էր մի ահագին հայելի, երրորդում մի կոլորակ սեղան, իսկ չորրորդում մարմարոնյա լվացարանն յոր բոլոր պատկանելիքներով: Պետր Ստեփանիչը շտապեց նախագգուշացնելու, որ դահլիճի և մյուս սենյակների դռներն ու պատուհանները նոր են ներկված, այնպես որ ներկի հոտից անկարելի է այնտեղ մտնել և հրավիրեց օրիորդին ներս: Մի սարսուռ անցավ Կատերինա Կարլովնայի մարմնով, երբ նա հայացքը ձգեց սենյակի կահ-կարասիքի վրա: Նա ականա սկսեց դողալ, գրեթե անզգայաբար մոտեցավ մեջտեղ դրած քառանկյունի սեղանին և նստեց նրա շուրջը, աթոռներից մեկի վրա:

Մի քանի թույլտույն սպասավորը սեղանի երեսը ծածկեց սպիտակ մաքուր սփռոցով, և մեջտեղ եկան մի քանի տեսակ ուտելիքներ և ըմպելիքներ: Դուրսագլուխ անմիջապես յուր համար մի բաժակ օղի ածեց, իսկ օրիորդի համար մի ուրիշ ինչ-որ արտասահմանյան ըմպելիք:

Խմեցն՝ք, շատ քաղցր խմիչք է, վնաս չի տալ ձեր սրտին, ասաց նա, բաժակը դնելով Կատերինա Կարլովնայի առջև:

Օրիորդը բաժակի ծայրը գրեթե անգիտակցաբար կպցրեց շրթունքներին և իսկույն վայր դրեց:

Ձեր կենացը: Կատերինա Կարլովնա, շարունակեց Դուրսագլուխ և, օղու բաժակը գարկելով նրա բաժակին, խմեց մինչև

կեսը:

Օրիորդն աշխատելով ուշքը ժողովել, գլուխը շարժեց, առանց մի խոսք ասելու: Դուրսագլուխը սկսեց ընթրել: Օրիորդը չէր ուտում, բայց երբ Դուրսագլուխը նրան ստիպեց, նա մի երկու կտոր բան դրեց բերանը և, դարձյալ հետ քաշվելով, սկսեց երկյուղածությամբ նայել յուր չորս կողմը: Ինչպես որսորդներից հալածված եղջերու, նա զգում էր, որ անտառի խորքում ընկել է մի այնպիսի նեղ տեղ, որտեղից ազատվելն անհնարին է: Անհանգիստ դեմքով և դողդողալով նա յուր հայացքը մերթ ձգում էր սենյակի պատերին, մերթ Դուրսագլուխի վրա:

Ինչո՞ւ չեք ուտում, Կատերինա Կարլովնա, կրկնում էր Դուրսագլուխն անդադար:

Ախորժակ չունիմ, խնդրեմ, Պետր Ստեփանիչ ինձ շուտ ճանապարհ գրեք:

Մի՛ շտապեք, դեռ շատ վաղ է, տասներկու ժամը չի լրացել: Գոնե, Կատերինա Կարլովնա, մի երկու բաժակ այս քաղցր ըմպելիքից խմեցեք, շատ համեղ բան է, փորձեցեք:

Դուրսագլուխը կրկին լցրեց մի բաժակ և դրեց Կատերինայի առջև: Օրիորդը գլուխը շուտ տվեց և բաժակը հեռացրեց իրանից:

Ինչո՞ւ եք այդպես անում, Կատերինա Կարլովնա . դուք ինձ վիրավորում եք:

Մայրս, խեղճը հիմա սպասում է, պատասխանեց օրհորդը, փորձելով տեղից բարձրանալ:

Ո՞ր եք գնում, սպասեցե՛ք, ասաց Դոլմագովը, բռնելով նրա թևից մեղմիկ և նորից նստեցնելով յուր տեղը: Օրհորդն ակամա հնազանդվեց նրա կամքին: Պետր Ստեփանիչը լիք բաժակը կրկին մոտեցրեց նրան ասելով .

Եթե այս անգամ ևս մերժեք իմ խոնարի խնդիրն և մինչև հատակը չի դատարկեք այս բաժակը, ինացեք, որ դուք ինձ մինչև սրտիս խորքը վիրավորած կլինեք: Վերցրեք Կատերինա Կարլովնա, և սրտով խմեցեք, դա ձեր եղբոր, Արտեմ Կարլիչի կենացն է:

Այս ասելով, Դոլմագովը յուր համար մի բաժակ գինի ածեց

և առավ ձեռքը, սպասելով օրհորդին: Կատերինա Կարլովնան ճարահատյալ առավ բաժակը և, դարձյալ մի քիչ կում անելով,

տեղը դրեց:

Ես զարմանում եմ, դուք ինչ քարասիրտն եք, որ ձեր միակ եղբոր կենացն էլ չեք խմում, ասաց Դոլմագովն և նույնպես լիք բաժակը դրեց սեղանի վրա:

Օրհորդը ոչինչ չպատասխանեց: Պետր Ստեփանիչը շարունակեց խոսել, փոքր առ փոքր ոգևորվելով: Նա ասաց, թե բախտավոր է այն մարդը, որ եղբայր ունի և, հետզհետե խոսքը դարձնելով յուր վրա (դա նրա սաստիկ ցանկությունն էր), ավելացրեց, որ ինքը նախանձում է եղբայր ունեցողներին: Նա սկսեց գանգատվել յուր՝ իբր թե տխուր՝ ճակատագրի դեմ: Նկարագրեց յուր վիճակն ամենատխուր գույներով, աշխատելով համոզել օրհորդին, թե որքան ինքն անբախտ մարդ է և ինչպես ճակատագիրն անգթությամբ հալածում է իրան: Կրկնեց նույնպես, թե համոզված է, որ կարող է բախտավորվել միայն այն ժամանակ, երբ յուր կյանքը կկապի մի սիրեցյալ էակի հետ, որ կարող լիներ մասնակից լիներ նրա դառնություններին և ուրախություններին: Նա ավելացրեց, թե հենց յուր դժբախտությունը կայանում է նրանում, որ մինչև օրս դեռ չի գտնում

մի այդպիսի էակ, իսկ նա, որի վրա հույս ունի, շատ անգութ է վերաբերվում դեպի իրան . . .

Եվ այս միտքը հայտնելու ժամանակ Դոլմագովն յուր վավաշտ աչքերը հատեց օրիորդի երեսին, որ տեսնի գոնե այս անգամ նրա վրա գոհացուցիչ ազդեցություն արի՞ն յուր խոսքերը, թե ոչ:

Կատերինան թեև ուշադրությամբ չէր լսում, բայց հասկացավ, թե Դոլմագովը ում մասին է ակնարկում, հասկացավ և ոչինչ չասաց:

Երբ գլուխս խառն է գործերով, էլի մի կերպ օրերս անցնում են, իսկ երբ գործերից ազատվելով գալիս եմ տուն, դարձյալ մի ինչ-որ ծանրություն նստում է սրտիս վրա: Մտիկ եմ անում չորս կողմ ոչինչ մխիթարություն, ոչինչ թեթևություն չեմ գտնում: Տանս պատերը, կարծես, ինձ թշնամի լինեն: Այո՛, Կատերինա Կարլովնա, չկա մեկը, որ թեթևացնի իմ հոգին, չկա մեկը, որ կարողանա յուր քաղցր հայացքներով, յուր դուրեկան խոսակցությունով

մխիթարել իմ վշտացած սիրտը: Ճարահաստյալ պատկում

եմ անկողին և սենյակի առաստաղին նայում: Կհավատաք, որ շատ

անգամ փոքրիկ երեխայի պես լաց եմ լինում իմ սենյակում: Լաց եմ լինում և հետո հագնվում ու դուրս փախչում տնից, ինչպես բանտից: Գնում եմ դուրս այնտեղ միևնույն տխրությունը, միևնույն դառնությունը: Թե մինչև երբ պիտի շարունակվի իմ այս անտանելի դրությունը, ինքս էլ չգիտեմ: Բայց Կատերինա Կարլովնա, ես այժմ զգում եմ, թե կա մեկը, որ կարող է վերջ դնել իմ ցավերին . այդ մեկը . . . Է՛հ . . .

Եվ Դոլմագովի կրծքից կրկին դուրս թռավ մի կեղծ հառաչանք:

Արդեն անցել էր բավական ժամանակ: Կատերինա Կարլովնան, օգտվելով Դոլմագովի բուպեական լռությունից, բարձրացավ յուր տեղից:

Սպասեցեք, ասաց Դոլմագովը:

Ո՛չ, բավական է, ինչքան պահեցիք, թույլ տվեք:

Մի քիչ էլ նստեցեք, խնդրեն:

Սակայն օրիորդը այս անգամ չհամաձայնվեց նստելու: Նա երեսը շուռ տվեց և վճռողական քայլերով դիմեց դեպի դռները:

Ո՞ր եք փախչում, բացականչեց Դուլմագովն և, վազելով օրիորդի հետևից, բռնեց նրա ձեռքը:

Հերիք է, Պետր Ստեփանիչ, գնանք:

Հերիք է, հերիք չէ, ա՛յ թե հերիք է:

Եվ այս անորոշ խոսքերն արտասանելով, Դուլմագովը դռները փակեց, բանալին շուռ տվեց և կողպեց:

Տեսնո՞ւմ եք, հա, հա, հա, գոչեց նա, չարախնդությամբ ծիծաղելով:

Նա, բանալին ցույց տալով օրիորդին, ձգեց գրպանը: Նրա ծիծաղն օրիորդի վրա վերին աստիճանի զգվելի տպավորություն արավ: Մի քանի վայրկյան սա ապշած նայում էր: Պետր Ստեփանիչը նույնպես նայում էր օրիորդին: Եվ այդ հայացքն արտահայտում էր նրա գագրելի ձգտումը: Նրա բարակ և սեղմված շրթունքների վրա խաղաց մի հանդուգն ու լկտի ժպիտ, և այդ վայրկյանին նրա քրքրված ու մաշված դեմքն ընդունեց գարշելի արտահայտություն:

Կատերինա Կարլովնան սարսափեց այդ արտահայտությունից: